



08054

大事記解題卷五

宋呂祖謙撰

郡後學

胡鳳丹

月樵校梓

周赧王十九年楚懷王薨於秦

解題曰是後八十六年楚成卒陳勝稱大楚首難於蘄郡縣豪傑皆應之遂以滅秦范增說項梁立懷王孫心也其言曰自懷王入秦不反楚人憐之至今故楚南公曰楚雖三戶亡秦必楚終之降子嬰灞上覆秦社稷者實義帝所遣之沛公也天明畏自我民明威其不可誣蓋如此懷王庸主耳使沒於楚民豈以其存亡繫心哉及秦遇之無道則舉國如悲親戚積怨深怒傳百年而不衰又以見天理人心至公而初無定在也

楚與秦絕

解題曰楚之視秦蓋不共戴天之讎絕之正也明年已受秦粟又三年而迎婦於秦可勝誅哉

魏伐楚

解題曰按戰國策或謂魏王曰中山恃齊魏以輕趙齊魏伐楚而趙亡中山國所以亡者皆有所恃

卷五

大事記解題

一

退補齋藏板

也以史記考之趙主父與齊燕共滅中山則齊非
中山之與國今削去齊字蘇厲說趙王亦曰物固
有勢異而患同者昔者楚人久伐而中山亡蓋爲
楚與魏久連兵中山失其助而亡也

中山虜施大赦酺

解題曰按呂氏春秋晉太史屠黍謂周威公曰周
之君也天生民而令有別有別人之義也所以異于
禽獸麋鹿也君臣上下之所以立也中山之俗以

晝爲夜以夜繼日男女切倚固無休息其主弗之

卷五

大事記解題

二

退補齋藏板

惡此亡國之風也居二年中山果亡大赦卽春秋
所書肆大眚非三代之舊也漢律三人以上無故

羣飲酒罰金四兩詔橫賜得令羣飲食謂之酺羣

飲之禁遠自周公賜酺之制亦必非始於趙也

禮周

族師各掌其族之戒令政事春秋祭酺亦如之注曰酺者爲人物裁害之神也族長無飲酒之禮因祭酺而與其民以長幼相獻酬馬疏曰族卑不得官物爲禮故云族無飲酒禮也祭酺而民相獻酬必須合錢爲之也按禮記云周旅酬六戶曾子曰周禮其猶釀與鄭注彼云合錢飲酒爲釀旅酬相酌似之也鄭注云明堂之禮仲秋乃命國釀

趙自簡襄以來經略中山

主父胡服騎射攻戰十年今始克之故大行慶賜

馬史記正義云徐廣云膚施在上郡今延州膚施
縣年表載滅中山於明年弑主父之後當從世家
封公子章

解題曰主父得國之慶方新而殺身之釁已兆所
謂憂喜聚門吉凶同域者也肥義阿其主立少又
輕以身受任及爭國之形已見始區區憂之亦晚
矣其苟息之流歟李兌不勸之備公子章而勸之
稱疾避位蓋守小諒而無大略宜其爲姦雄所輕

也

史記正義曰括地志云東
安陽在朔州定襄縣界

卷五

大事記解題

三

退補齋
藏板

放屈平

解題曰王子蘭勸懷王入秦者也而以爲令尹屈
平諫懷王入秦者也而放之江南頃襄王可謂不
君矣按史記屈平瞻顧楚國繫心懷王不忘欲反
冀幸君之一悟俗之一改也其存君興國而欲反
覆之一篇之中三致意焉然終無可奈何故不可
以反卒以此見懷王之終不悟也令尹子蘭聞之
大怒卒使上官大夫短屈原於王王遂怒而遷之
屈原至于江濱被髮行吟澤畔顏色憔悴形容枯

稿乃作懷沙之賦投汨羅以死史記正義云江南洪饒等州楚東境

周赧王二十年秦與楚粟

解題曰楚饑而歸之粟也是時秦楚已通矣

沙邱

解題曰按史記正義括地志云沙邱臺在邢州平

鄉縣東北

燕以樂毅為亞卿

解題曰按本傳樂毅賢好兵趙人舉之及武靈王

有沙邱之亂乃去趙適魏聞燕昭王以子之之亂

卷五

大事記解題

四

退補齋藏板

而齊大敗燕燕昭王怨齊未嘗一日而忘報齊也

于是屈身下士先禮郭隗以招賢者樂毅于是為

魏昭王使于燕燕王以客禮待之樂毅辭讓遂委

質為臣燕昭王以為亞卿史失其年今附於殺主

父沙邱之後

周赧王二十一年武始

解題曰前漢地理志魏郡有武始縣

秦左庶長白起擊韓新城

解題曰秦紀作左更白起

史記正義云新城在洛州伊開縣

鄭易又難... 孟嘗君... 齊... 田甲... 田文...

解題曰今之莫州易漢涿郡之故安也

呂禮奔齊... 齊... 田甲... 田文...

解題曰按穰侯傳魏冉相秦欲誅呂禮禮出奔齊

齊... 魏... 禮... 然則禮未嘗得罪於昭王特避穰侯

之禍耳後六年秦紀復書呂禮來歸則其權寵能

與穰侯相軒輊可知矣

任鄙為漢中守... 漢... 武王... 大官... 孟說

解題曰以備楚也按白起傳穰侯相秦舉任鄙為

卷五 大事記解題 五 退補齋藏板

漢中守鄙烏獲孟說以力事秦武王至大官孟說

丑之徒必嘗中廢至是穰侯復舉之也秦人諺曰力

則任鄙智則樛里秦本紀及年表後六日皆書任

鄙卒蓋鄙之守邊秦之所倚也

齊田甲田文... 齊... 田甲... 田文...

解題曰按齊年表田甲劫王相薛文走初人或毀

呂孟嘗君於齊潛王曰孟嘗君將為亂及田甲劫潛

王潛王意疑孟嘗君乃奔潛王蹤跡驗問孟嘗君

無反謀乃復召孟嘗君孟嘗君乃復謝病歸老於

周赧王二十二年白起敗韓魏犀武公孫喜伊闕乾

河

解題曰按穰侯傳昭王十四年魏冉舉白起使代

向壽將而攻韓魏敗之伊闕起既代壽每戰必克

遂成秦并吞六國之勢冉之是舉可謂有大功於

秦矣

韓世家云公孫喜率周魏攻秦秦敗我二十

于伊闕殺犀武魏令公孫衍卑辭割地以講于秦

犀武敗于伊闕周君之魏求救蓋秦怒東周之助韓魏故攻之也起之謝疾不肯

卷五

大事記解題

六

退補齋藏板

伐趙也昭王使應侯責之曰韓魏相率興兵甚眾

君所將之卒不能半之而與戰之於伊闕大破二

國之軍流血漂鹵斬首二十四萬韓魏以故至今

稱東藩此君之功天下莫不聞今趙卒之死於長

平者已十七八君嘗以寡擊眾取勝如神况以強

擊弱以眾擊寡乎起曰伊闕之戰韓孤顧魏不欲

先用其眾魏恃韓之銳欲推以爲鋒二軍爭便之

力不同是以臣得設疑兵以待韓陣專軍并銳觸

魏之不意魏軍既敗韓軍自潰乘勝逐北以是之

故能立功論伊闕之勝莫詳於此

史記正義曰括地志云伊闕在

洛州南水經注云昔大禹疏龍門以通水兩山相對望之若闕故謂之伊闕按今洛南猶謂之龍門也乾河源出絳州絳縣東南轂山南流注河是水冬乾夏流故曰乾河水經注又云左傳趙鞅使汝

寬守闕塞即伊闕也

周赧王二十三年垣宛葉

解題曰史記正義云垣即絳州垣縣宛鄧州縣葉

汝州縣

周赧王二十四年封魏冉公子市公子悝

解題曰冉市悝之封皆取於鄰國非秦地也公子

卷五

大事記解題

七

退補齋藏板

悝以本紀考之乃葉陽君然則公子市必涇陽君也非昭王之親母弟豈得與穰侯同封乎市之宛去年所取悝之鄧今年所取冉之穰與陶史雖不載何年得之蓋亦近歲取之耳穰今鄧州穰縣陶乃漢之定陶今之曹州濟陰

周赧王二十五年東周君朝秦

解題曰兩周之君自別為國各事大國以自固非

王赧所能制也

魏冉伐魏

解題曰按本傳穰侯爲秦將攻魏魏獻河東方四百里

魏芒卯以詐見重

解題曰所以見重者本國用其謀諸侯服其智也按戰國策秦昭王謂左右曰今日韓魏孰與始強對曰弗如也王曰今之如耳魏齊孰與孟嘗芒卯之賢對曰弗如也王曰以孟嘗芒卯之賢帥強韓魏之兵以伐秦猶無奈寡人何也以此觀之則卯之見重可知矣

戰國策云秦約趙而伐魏魏王患之芒卯曰王勿憂也臣請發張倚

卷五

大事記解題

八

退補齋藏板

使謂趙王曰夫鄴寡人固形弗有也今大王收秦而攻魏寡人請以鄴事大王趙王喜召相國而命之曰魏王請以鄴事寡人使寡人絕秦相國曰收秦魏魏利不過鄴令不用兵而得鄴請許魏張倚因謂趙王曰微邑之吏效城者在鄴矣大王且何以報魏趙王曰今閉關絕秦秦趙大惡芒卯應趙使曰微邑所以事大王者爲宗鄴也今效鄴者使者之罪也卯不知也趙王恐魏承秦之怒遽割五城以合於魏而支秦舉

此一端芒卯之詐可知也

周赧王三十六年秦伐魏至軹取城大小六十一

解題曰按穰侯傳穰侯爲將拔魏之河內取城大

小六十餘軹者河內之屬邑也

秦紀昭王十六年左更錯取軹白起

傳書虜公孫喜之明年取魏城六十一以穰侯傳年表參考之取河內城大小六十一蓋在穰侯再

相受封之後秦記年表所書皆非也史記正義曰括地志云故軹城在懷州濟源縣東南

周赧王二十七年梗陽

解題曰年表作杜陽杜預曰太原晉陽縣南梗陽

城晉書其指曰甄慈晉書其指曰甄慈

周赧王二十八年新垣曲陽

解題曰史記正義云括地志云曲陽在懷州濟源

縣新垣縣曲陽

趙伐齊

解題曰按世家惠文王十二年趙梁將攻齊

卷五 大事記解題 九

退補齊藏板

周赧王二十九年魏以田文為相秦伐齊呂禮出奔

解題曰按孟嘗君傳秦亡將呂禮相齊欲因蘇代

伐乃謂孟嘗君曰周最於齊至厚也而齊王逐之

而聽親弗 親弗人姓名 相呂禮者欲取秦也齊秦合則

周親弗與呂禮重矣必輕君不如收周最弗親必走

孟嘗君從其計呂禮嫉害孟嘗君孟嘗君懼乃遺

穰侯書曰子不如勸秦王伐齊于是穰侯言於秦

昭王伐齊而呂禮亡後齊潛王滅宋益驕欲去孟

嘗君孟嘗君恐乃如魏魏昭王以為相以齊潛之

暴孟嘗君若未去齊豈敢召穰侯之兵乎考之戰國策孟嘗君去齊相魏蓋在齊滅宋之前

戰國策書見李

兌約五國伐秦條下

又載薛公爲魏相謂魏冉曰文聞秦王

欲以呂禮收齊以濟天下君必輕矣齊秦相聚以臨三晉禮必并相之是君收齊以重呂禮也齊免於天下之兵其讎君必深君不如勸秦王令敝邑卒攻齊之事齊破文請以所得封君若齊不破呂禮復用子必大窮矣其辭與史記孟嘗君遺穰侯書皆同然則此書乃孟嘗君爲魏相時所遺也

卷五

大事記解題

十

退補齋藏板

秦將司馬錯攻魏河內魏獻安邑

解題曰史記正義曰河內卽懷州也在河南之北西河之東東河之西秦前後取三晉地多出其人非特三晉之民不樂爲秦秦亦欲自置其腹心以守新邊也平民應募者旣賜之爵又徙罪人以實之赦云者旣遷則與平民齒也戰國策或謂韓王曰秦正欲出事於梁而欲攻絳安邑韓計將安出矣秦之欲并天下而王之也不與古同事之雖如子之事父猶將亡之也行雖如伯夷猶將亡之也

行雖如桀紂猶將亡之也雖善事之無益也其論秦最得其情故附見於魏獻安邑之後

趙伐齊

解題曰按世家韓徐為將攻齊

趙李兌約五國伐秦

解題曰按戰國策齊欲攻宋秦令起賈禁之齊乃

收趙以伐宋秦王怒屬怨於趙李兌約五國以伐

秦楚齊趙韓魏也無功留天下之兵於成臯而陰講於秦

又欲與秦攻魏以解其怨而取封焉李兌欲魏王自取封

卷五

大事記解題

十一

退補齋藏板

不說齊人謂齊王曰臣為足下謂魏王曰三晉皆

有秦患今之攻秦也為趙也秦逐李兌必死今之

伐秦也以救李子之死也今趙留天下之甲於成

臯而陰驚之於秦已講則令秦攻魏以成其私封

王之事趙也何得矣勸魏之疎趙也今王又挾故薛公以

為相故薛公孟嘗君也以此言考之則孟嘗君去齊為魏相在五國伐秦之前明矣善韓

徐以為上交韓徐乃今年為趙將伐齊者蓋齊之所怒也王固可以反

疑齊乎括蒼鮑氏曰用齊之所不善失在魏也安可疑齊魏王聞此言必

欲事王而怨於趙諸侯互相猜貳如此而欲攻強

秦不亦疎哉

戰國策又云五國約而攻秦楚王為從長不能傷秦兵罷而留於成臯魏

臣謂沛邱君曰五國罷必攻沛邱沛邱君曰善因遣

之魏順南見楚王曰王約五國而西伐秦不能傷

秦天下且以是輕王而重秦故王何不交乎楚

王曰秦何魏順曰天下罷必攻沛邱以償兵費王

令之勿攻沛邱四國重王且聽王之言而不攻沛

邱不重王且反王之言而攻沛邱然則王之輕重

必明矣故楚王卜交而沛邱存然則趙李兌雖主

謀楚猶以大國為從長也合五國之眾一籌不畫

遂巡而卻乃欲攻一小邑以償費楚王號為從長

乃不知諸侯與己之深淺始欲此大事也見於戰

卜交宜乎秦以折筆答之也

宋國策者前後非一章史記乃遺畧不載今載於齊

滅宋之前戰國策雖不載五國伐秦之年然兵端

不於秦怨趙助齊伐宋故附見於齊滅

前

宋之

前

前

齊滅宋

滕縣

解題曰杜氏世族譜云滕姬姓文王子錯叔繡之後武王封之居滕沛郡公邱縣是也自叔至宣公十七世乃見春秋隱公以下春秋後六世而齊滅之觀孟子所載滕定公文公則杜氏之說誤矣戰國策記宋王偃滅滕其說是也公邱縣今為徐州

卷五

大事記解題

三

退補齋藏板

解題曰宋子姓自微子至王偃三十二世按前漢

地理志宋地房心之分壑本陶唐氏火正闕伯之

虛昔堯作游城陽如淳曰成陽在定陶舜漁雷澤湯上于亳

故其民猶有先王遺風重厚多君子好稼穡惡衣

食以致畜藏宋爲齊楚魏所滅三分其地魏得其

梁陳留齊得其濟陰東平楚得其沛齊之伐宋也

蘇代實啟之戰國燕王燕王犀蘇子車五乘南使于齊謂齊王曰今宋王無道而王

不伐王召秦之救宋也蘇代復止之史記世家潛終不成

怒蘇代爲齊謂秦王曰攻秦所以爲王也蓋蘇代爲燕反間驕其君勞

卷五

大事記解題

三

退補齋藏板

其民而速其亡也戰國策載蘇代說燕之辭曰臣

聞王居處不安食飲不甘思念報齊身自削甲札

曰有大數矣妻自組甲緝曰有大數矣有之乎王

曰子聞之寡人不敢隱也我自深怨積怒于齊而

欲報之直患國弊力不足矣對曰齊王長主也而

自用之南攻楚五年畜積散西困秦三年民憔悴

士罷弊而又以其餘兵南面而舉五千乘之勁宋

而包十二諸侯此其君之欲得也其民力竭也安

猶取哉且異曰濟西不役所以備趙也河北不師

所以備燕也今濟西河北盡以役矣封內弊矣論

齊之亡形莫詳于此戰國策誤以為說燕王噲使

論其世考其事皆說昭王之辭也呂氏春秋曰齊

攻宋燕王使張魁從焉齊王殺之燕王縞素避舍

于郊復遣使于齊客而謝焉曰觀此盡寡人之罪也

大賢王也豈盡殺諸侯之使者哉然而燕之使

者獨死此故邑之擇人不謹也願得變更請罪使

者行至齊齊王方大飲左右官實御者甚眾因令

復舍此齊王之所以敗齊國之所以虛

也史記正義云括地志云溫懷州溫縣

齊取楚淮北

解題曰齊既滅宋南割楚之淮北西侵三晉欲以

卷五

大事記解題

古

退補齋藏板

并周室為天子泗上諸侯鄒魯之君皆稱臣焉

周赧王三十年司馬穰苴狐喧陳舉

解題曰按戰國策齊負郭之民有狐喧者正議閔

王斲之檀衢百姓不附齊孫室子陳舉直言殺之

東閭宗族離心司馬穰苴執政者也殺之大臣不

親頰濱蘇氏曰大史公為司馬穰苴傳言齊景公

景公拔以為將使寵臣莊賈監軍穰苴因其後期

戮之三軍畏之遂以成功其言甚美世皆信之

以春秋左氏考之景公十三年伐燕取路而

還十八年使高偃以兵納之于陽是歲公朝于晉

投壺有言明年晉侯盟諸侯于平邱齊不欲盟晉

人怒自是始貳于晉而未絕也四十五年公盟鄭伯于鹹盟衛侯于沙始叛晉自是凡四伐晉蓋未有燕晉伐齊者也而戰國策稱司馬穰苴執政者也潛王殺之故大臣不附意者穰苴潛王之臣嘗爲潛王卻燕晉而戰國雜記妄以爲景公時邪

中陽

解題曰史記正義曰括地志云在汾州隰城縣南

周赧王三十一年樂毅破齊濟西臨菑昌國

解題曰按齊世家是歲書燕昭王來見蓋樂毅勸

昭王約趙楚魏伐齊又令趙啗秦以伐齊之利伐

齊之舉其重在趙故昭王身約之也樂毅傳稱毅于是并護趙

卷五

大事記解題

五

退補齋藏板

楚韓魏燕之兵以伐齊破之濟西田敬仲世家亦稱燕秦楚三晉各出銳師敗我濟西通鑑脫楚字

又按戰國策燕舉兵使樂毅將而擊齊齊使向子

將而應之齊軍破向子以一輿乘亡達子收餘卒

復振與燕戰求所以償者閔王不肯與軍破王奔

莒呂氏春秋曰齊使觸子將以迎天下之兵於濟上齊王欲戰使人赴觸子取而誓之曰不戰必

剗若類掘若堊觸子苦之欲齊軍之敗于是以天

下兵戰戰合擊令而卻之不聞其聲達子又帥其餘

卒以軍于秦周無以賞使人請金于齊王齊王怒

曰若殘堅子之類惡能給若金與燕人戰大敗達子死齊王走莒燕人遂北入國也觸子戰國策甚多此貪于小利以失大利者也觸子戰國策所謂向子也秦周齊城門也美唐金藏所在也餘

並見通鑑濟西謂濟州已西見史記正義臨淄青州臨

淄縣古營邱之地城臨淄水故曰臨淄見史記正義水經注

昌國在淄川縣東北見史記正義延平陳氏曰樂毅之

下齊也止侵畧寬賦歛除暴令脩舊政求逸民顯

而禮之祀威公管仲於郊表賢者之間封王蠋之

墓凡可愛其民者無不為也此孟子之所以教齊

宣王者齊王不能用之於燕而樂毅能用之於齊

殺淖齒奉法章

解題曰延平陳氏曰法章之立于莒王孫賈之力

卷五

大事記解題

六

退補齋藏板

也賈之母曰王走汝不知其處汝尚何歸用此心

則不待四百人亦足以殺淖齒而况于四百人乎

周赧王三十二年廉頗

解題曰按本傳趙思文王十六年廉頗為趙將伐

齊大破之取晉陽索隱史記本作陽晉云陽晉衛地後屬齊今趙取之司馬彪郡

國志曰今衛國陽晉城是也有本作晉陽非也晉陽在太原雖亦趙地非齊所取也拜為正

卿以勇氣聞於諸侯今齊已破亡拔其地不足言

功意者即去年助燕破齊之事與

藺相如

解題曰相如奉璧入秦秦王大喜傳以示美人及左右左右皆呼萬歲相如前曰璧有瑕請指示王王授璧相如因持璧卻立倚柱怒髮上衝冠謂秦王曰趙王齋戒五日使臣奉璧拜送書於庭今臣至大王見臣列觀禮節甚倨得璧傳之美人以戲弄臣臣觀大王無意償趙王城邑故臣復取璧大王必欲急臣臣頭今與璧俱碎於柱矣相如持其璧睨柱欲以擊柱秦王恐其破璧遂許齋五日舍相如廣成傳舍相如使其從者衣褐懷其璧亡歸

卷五

大事記解題

七

退補齋藏板

秦王齋五日後乃設九賓禮于庭

史記正義曰韋昭云九賓卽周

禮九儀也劉伯莊云九賓者周王之備禮天子臨軒九服同會秦趙何得九賓但亦陳設車輅文物耳餘並見通鑑

燕求三神山

解題曰此後世人主求仙之始也按前漢志宋毋忌正伯僑元尚羨門高最後皆燕人爲方仙道形解銷化依於鬼神之事燕齊海上之方士傳其術不能通然則怪迂阿諛苟合之徒自此興不可勝數也自齊威宣燕昭使人入海求蓬萊方丈瀛洲

此三神山者傳在勃海中世主莫不甘心焉燕昭之未破齊厲志復讎必未溺心于此也今附于克齊之次年

周赧王三十三年秦伐趙拔兩城

解題曰趙世家前年書秦與趙數擊齊齊人患之蘇厲因遺趙王書趙乃輟謝秦不擊齊今年又書樂毅將趙師攻魏伯陽而秦怨趙不與已擊齊伐趙拔我兩城是時齊地皆入於燕獨有莒卽墨僅存耳蘇厲之書皆不及之恐非此時耳况樂毅方爲燕經畧全齊豈得爲趙將攻魏哉年表所書秦伐趙拔兩城必有所因世家所載未可据也

秦韓會新城

解題曰韓年表世家書與秦昭王會兩周間所謂新城蓋兩周間地名也

史記正義云括地志云許州襄城縣卽古新城縣也

周赧王三十四年石城

解題曰前漢地理志右北平有石城縣

史記正義云括地志

云相州林慮縣東南有石城疑此石城是

趙伐魏

卷五

大事記解題

支

退補齋藏板

解題曰按趙世家王再之衛東陽決河水伐魏氏
大潦蓋以水攻也魏徙都大梁近河秦之滅魏亦
用此策耳

魏冉相趙

解題曰是歲秦本紀年表書秦復以魏冉爲丞相
蓋相趙未幾復歸相秦也

楚約從將伐秦西周武公

解題曰楚人有好以弱弓微繳加歸雁之上者頃
襄王聞召而問之對曰大王之賢所弋非直此也

卷五

大事記解題

五

退補齋
藏板

秦爲大鳥負海內處東西而立左臂據趙之西南
右臂傅楚鄢郢擊韓魏垂頭中國處旣形便勢
有地利奮翼鼓軓方三千里則秦未可得獨招而
夜射也欲以激怒襄王故對以此言襄王因召與
語遂言曰夫先王爲秦所敗而客死於外怨莫大
焉今以匹夫有怨尙有報萬乘以白公子胥是也今
楚之地方五千里帶甲百萬猶足以躡躍中野也
而坐受困臣竊爲大王弗取也於是頃襄王遣使
于諸侯復爲從欲以伐秦然卒無成功者特暫激

于人言初未嘗有復讎之大志豈能有所立哉楚世家又書楚欲與齊韓連和伐秦因欲圖周周王赧使武公說楚相昭子而止是時齊止餘兩城爲燕所圍何暇與楚連和伐秦蓋所載不能無小差也西周武公者西周惠公之長子卽戰國策所謂西周君通鑑謂之東周武公誤矣餘見通鑑

周赧王三十五年秦赦罪人遷之南陽

解題曰史記正義曰南陽今鄧州

光狼城

卷五

大事記解題

三

退補齋藏板

解題曰史記正義曰在澤州高平縣西二十五里隴西黔中

解題曰隴西今秦階熙河涼沙等州之地黔中今黔辰施沅等州之地

楚以上庸漢北地與秦

解題曰黃棘之盟秦以上庸歸楚楚至是復割與秦也史記正義曰上庸漢北謂割房金均三州及漢水之北

周赧王三十六年白起伐楚取鄢鄧西陵

解題曰鄢楚之別都也在今襄州之宜城縣南豐曾氏鞏曰荆及康狼楚之西山也水出二山之間

東南而流春秋之世曰鄢水在邱明傳魯桓公十

有三年楚屈瑕伐羅及鄢亂次以濟是也秦昭王

二十八年使白起將攻楚去鄢百里立竭壅是水

爲渠以灌鄢遂拔之酈道元水經注云昔白起攻楚引西山谷水卽是水者也

舊蜀去城一百許里水從城西灌城東人注爲淵今穀斗陂是也水潰城東北角百姓隨水流死于

城東者數十萬城東皆秦旣得鄢以爲縣漢惠帝

三年改曰宜城西陵屬江夏郡在西漢爲郡治有

卷五

大事記解題

三

退補齋藏板

雲夢宮今之安州雲夢縣也

秦趙會澠池

解題曰龜山楊氏時曰趙社稷安危之機不在璧

之存亡夫以小事大古之人有以皮幣犬馬珠玉

而不得免者况一璧乎雖與之可也相如計不出

此不三數年趙卒有覆軍陷城之禍者徒以璧爲

之祟也然則全璧歸趙何益哉至于澠池之會則

其危又甚矣相如智勇不足重趙使秦不敢喘焉

乃欲以頸血濺之豈孔子所謂暴虎馮河死而無

悔者歟太史公序傳曰能信意彊秦而屈體廉子
用徇其君俱重於諸侯合兩說觀之相如之抗秦
特戰國以氣相加之習俗至於體國而深自克則
非戰國之士也

齊襄王誅譖田單者田單伐狄

解題曰齊襄王方復國而忌其元勳使無貂勃之
諫齊之爲齊未可知也田單東有夜邑之奉西有
淄上之娛魯仲連前知其不能下狄雖厲氣循城
僅以成功其所存亦可覩矣君臣之志皆有所極
齊之不興宜哉

卷五

大事記解題

三

退補齊
藏板

荀卿

解題曰荀卿趙人年五十始來游學於齊齊襄王
時荀卿最爲老師齊尙脩列大夫之軌而荀卿三
爲祭酒焉齊人或讒荀卿荀卿乃適楚春申君以
爲蘭陵令春申君死而荀卿廢因家蘭陵

周赧王三十七年楚莊辛

解題曰按戰國策莊辛謂楚襄王曰君王左州侯
右夏侯輦從鄢陵君與壽陵君專淫逸侈靡不顧

國政郢都必危矣襄王曰先生老悖乎將以爲楚國妖祥乎莊辛曰臣誠見其必然者而非敢以爲國妖祥也君王卒幸四子者則楚國必亡矣臣請辟于趙淹留以觀之莊辛去之趙留五月秦果舉郢襄王流掄於城陽於是使人發騶徵莊辛於趙以執珪而授之爲陽陵君

白起攻楚取郢楚頃襄王徙都陳

解題曰按戰國策應侯謂武安君曰楚地方五千里持戟百萬君前率數萬之眾入楚拔鄢郢焚其

卷五

大事記解題

三

退補齋藏板

廟東至竟陵楚人震恐東徙而不敢西向武安君曰是時楚王恃其國不大恤其政而羣臣相妬以攻諛諛用事良臣斥疎百姓心離城池不修旣而良臣又無守備故起所以得引兵深入多倍城邑發梁焚舟以專民心掠于郊野以足軍食當此之時秦中士卒以軍中爲家將帥爲父母不約而親不謀而信一心同功死不旋踵楚人自戰其地咸顧其家各有散心莫有鬪志是以能有功也楚所以敗秦所以勝略見于此矣又按穰侯傳復相秦

四歲而使白起拔楚之郢白起者穰侯之所任舉也相善於是穰侯之富富于天室莊辛告楚襄王亦謂馳騁乎雲夢之中而不以天下國家爲事不知夫穰侯方受命乎秦王填黽塞之內而投己乎黽塞之外然則戰勝者雖白起主謀者實穰侯也

史記正義云括地志云郢城在荊州江陵縣東北楚平王築都之地也夷陵峽州夷陵縣是也在荊州西應劭云夷山在其北竟陵在郢州長壽縣南今復州亦是其地武安在潞州武安縣西南

周君朝秦

解題曰本紀書周君來未知其爲西也

卷五

大事記解題

五

退補齋藏板

趙徙漳水武平西

解題曰趙惠文王十八年大潦漳水出然則徙漳水者爲水患也惠文王二十七年又徙漳水武平南按水及經注濁漳水出上黨長子縣西清漳出上黨沾縣西北至武安縣南入于濁漳兩水旣合支流逕邯鄲經絡趙竟故不得不治耳史記正義曰武平亭在瀛州文安縣北

周赧王三十八年巫黔中

解題曰史記正義云括地志云巫郡在夔州東黔

中故城在辰州沅陵縣東今黔府亦其地

周赧王三十九年楚復取江南十五邑

解題曰按頃襄王既失郢都復召莊辛聞其言至於顏色變怍身體戰慄此其所以能稍復故地也新敘又載楚襄王用莊辛計舉淮北之地十二諸侯蓋楚喪亂之後補敗扶傾之計皆出於莊辛特不能大有所爲耳

封公子無忌

解題曰魏王之弟以其賢故記之

卷五

大事記解題

姜

退補齋藏板

幾

解題曰幾魏之邑也史記正義曰幾或屬齊或屬魏當在相潞之間也傳云伐齊幾幾拔之戰國策云秦敗閼與及攻魏幾

周赧王四十年秦魏冉圍大梁

解題曰魏大夫須賈說穰侯曰臣聞魏之長吏謂魏王曰秦貪戾之國也戰勝暴子割八縣地未畢入兵復出矣夫秦何厭之有哉願王之必無講也此臣之所聞於魏也臣聞魏氏悉其百縣勝甲以

上成大梁臣以爲不下三十萬夫輕背楚趙之兵
陵七仞之城戰三十萬之眾而志必舉之臣以爲
自天地始分以至于今未嘗有者也攻而不拔秦
兵不罷陶邑必亡則前功必棄矣願君逮趙楚之
兵未至於梁亟以少割收魏穰侯曰善乃罷梁圍
戰國策載穰侯攻大梁或謂穰侯君攻楚得宛穰
以廣陶攻齊得剛博以廣陶得許鄢陵以廣陶秦
昭王不問者何也以大梁之未亡也今日大梁亡
許鄢陵必議議則君必窮爲若計者勿攻便此與
須賈之說同一術也穰侯以外戚兼大
權徇私如此范雎安得不乘其隙哉

正義曰竹書云宅陽一名北宅

卷五

大事記解題

美

退補齋
藏板

趙廉頗拔魏房子安陽

解題曰按世家廉頗將攻魏房子拔之因城而還

又攻安陽取之徐廣曰房子屬常山史記正義云今相州外城

古安陽城

周赧王四十一年齊昌國高唐

解題曰趙世家書燕周將攻昌國高唐取之不書

何國按前漢地理志昌國屬齊郡高唐屬平原郡

皆齊地也

周赧王四十二年秦魏冉白起救韓敗魏趙華陽

解題曰華陽亭名在密陽

出史記司馬彪注

秦屬河南郡

史記正義云地屬鄭州原武縣西北

蔡陽今蔡州上蔡水之陽

出史記正義

義輿地

長社屬潁川郡觀津屬清河郡

並前漢地理志按外

戚傳竇皇后家在清河願如趙郡近家又曰竇南廣國聞皇后新立家在觀津是觀津屬清河也

陽卽河內脩武非鄧州之南陽

出史記正義

晉始啟南

陽卽此地也免臣蓋秦之臣以罪免者遷以守新

邊秦不信敵國之民故徙其國人使錯居之也秦

華陽之役蓋救韓而擊趙魏年表列傳或云得三

晉將或云攻趙韓魏皆記者之誤耳

卷五

大事記解題

七

退補齋藏板

魏城西周

解題曰按周本紀馬犯謂周君曰請令梁城周乃

謂梁王曰周王病若死則犯必死矣犯請以九鼎

自入于王梁王曰善遂與之卒言戍周因謂秦王

曰梁非成周也將伐周也王試出兵境以觀之秦

果出兵又謂梁王曰周王病甚矣今王使卒之周

諸侯皆生心不若令卒爲周城以匿事端梁王曰

善遂使城周所謂周者西周也周君者西周武公

也周王者赧王也太丘社之亡九鼎已毀特以虛

名給魏耳使九鼎是時尚存則後十餘歲秦遂滅周鼎必入於秦始皇何爲索之於泗水哉

周紀書周亡秦

取九鼎寶器亦非也

周赧王四十三年趙河水出大潦

解題曰自威烈十三年書晉河岸崩壅龍門至是

始復書趙河水出

安王三年雖書魏號山崩壅河此自爲山所壅非河爲患也

然亦未聞蕩覆城邑數十年而不可塞如後世之甚者也

燕惠王薨子武成王立

卷五

大事記解題

五

退補齋藏板

解題曰按趙世家明年書燕將成安君公孫操弑其王豈非惠王武成王終始之際或有異論聞于鄰國歟

韓魏與秦楚伐燕

解題曰按燕世家燕惠王七年卒韓魏秦楚兵伐

燕蓋乘燕之喪也楚世家書使三萬人助三晉伐

燕秦本紀亦書佐韓魏楚伐燕然則是役也韓魏

爲兵主秦楚助之而已

周赧王四十四年秦客卿竈攻齊取剛壽

秦滅義渠

解題曰秦本紀書客卿竈攻齊取剛壽子穰侯按
范雎今年說昭王之辭曰穰侯越韓魏而攻齊剛
壽非計也少出師則不足與傷齊多出師則害于
秦齊年表明年書秦楚擊我剛壽是今歲攻而未
能下也

史記正義云括地志云故剛城在兗州冀邱縣界壽鄆州之縣

解題曰前漢匈奴傳秦昭王時義渠戎王與宣太
后亂有二子宣太后詐而殺義渠戎王于甘泉遂
起兵伐滅義渠不書何年按昭王初見范雎之言

卷五

大事記解題

完

退補齋藏板

曰寡人宜以身受命久矣會義渠之事急寡人旦
暮自請太后今義渠之事已寡人乃得受命今載
于范雎為客卿之前

范雎

解題曰按范雎傳王稽載范雎入秦至湖關望見
車騎從西來范雎曰彼來者為誰王稽曰秦相穰
侯東行縣邑雎曰吾聞穰侯專秦權惡內諸侯客
恐辱我寧且匿車中有頃穰侯果至勞王稽因立
車而語曰君得毋與諸侯客來乎王稽曰不敢即

別去遂與范雎入咸陽

周赧王四十五年秦圍趙閼與

解題曰按戰國策秦攻趙藺離石祁拔

戰國策蘇厲謂周君

曰敗韓魏殺犀武攻趙取藺離石祁者皆白起然則藺離石祁之拔蓋白起為將也括蒼鮑氏曰藺

及離石屬西河祈屬太原趙以公子部為質于秦而請內焦

鮑氏曰弘農括蒼鮑氏曰東黎郡有黎即黎陽牛狐之城以易藺

離石祈於秦趙背秦不與焦黎牛狐秦王怒令公

子繒請地趙王乃令鄭朱對曰夫藺離石祈之地

曠遠于趙而近于大國有先王之明與先臣之力

卷五

大事記解題

三

退補齋藏板

故能有之今寡人不逮其社稷之不能恤安能收

恤藺離石祈乎寡人有不令之臣實為此事也非

寡人之所敢知卒背秦秦王大怒令衛胡伐趙攻

閼與趙奢救之魏令公子咎以銳帥居安邑以挾

秦助趙牽制秦也赧王二十八年魏已獻安邑于秦秦助趙牽制秦也赧王二十八年魏已獻安邑于秦

秦敗於閼與反攻魏幾幾地名本屬魏赧王二十九年趙樓昌攻魏幾不能

取十二月使廉頗代將取之自是遂屬趙秦師既為趙奢所敗不能取閼與師還擊幾馬謂之魏幾

者因其本魏地而稱廉頗救幾大敗秦師餘見通鑑趙奢始治國賦赧王三十五年已為將攻齊麥

鑑趙奢始治國賦赧王三十五年已為將攻齊麥

邱至救闕與之時爲將亦旣久矣闕與史記正義曰洛州武安縣西南五十里有闕與山世傳奢距秦軍卽此山也按括地志云言距秦軍在此山疑其太近洛州旣去邯鄲三十里而軍又云移之二日一夜至闕與五十里而軍據今洛州去潞州三百里恐潞州銅鞮縣西北闕與聚是趙奢破秦處以應爲秦太后養地

解題曰按戰國西周策周君之秦客謂周最曰不如譽秦王之孝也

卷五

大事記解題

三

退補齋藏板

必喜應在潁川父城縣應鄉養地卽平準書所謂自天子至於封君湯沐邑皆各爲私奉養不領于天下之經費者也是時范雎之間言已入而天下尊奉太后猶若此得非隙猶未見于外耶

攻齊剛壽

解題曰穰侯猶在相位故攻剛壽之師猶未已也去年范雎初見昭王首以剛壽撼穰侯豈非其言甚密外庭不得而聞歟

周赧王四十七年秦拔魏懷城

解題曰按范雎傳昭王拜范雎爲客卿謀兵事卒聽范雎謀使五大夫縮伐魏拔懷

周赧王四十九年邢邱

解題曰年表作廩邱世家作鄭邱史記正義云括地志云平臯故

城本邢邱邑漢置平臯縣在懷州武德縣東南

秦免魏冉相國奪宣太后權

解題曰范雎傳書廢太后逐穰侯高陵華陽涇陽君于關外按本紀明年宣太后葬芷陽酈山九月穰侯出之陶是宣太后之没書薨書葬初未嘗廢

卷五

大事記解題

三

退補齋藏板

魏公子無忌諫魏王親秦之辭止曰太后母也而以憂死亦未嘗言其廢也穰侯雖免相猶以太后之故未就國及太后既葬之後始出之陶耳范雎傳所載特辯士增飾之辭欲誇范雎之事而不知甚昭王之惡也邵氏皇極經世書曰罷穰侯相國及宣太后權以客卿范雎爲相封應侯蓋得其實矣

秦華陽君羊戎王弟涇陽君市出就封

解題曰昭王聞范雎之說赫然震怒若迅雷之不

及掩耳彼四貴者豈容皆从留咸陽穰侯葉陽其
去既別見于後則華陽涇陽必以此時就封也今
從史記正義云涇陽雍州縣也范雎傳載于此

周赧王五十年安國君柱

解題曰按史記索隱安國君名柱

齊楚攻魏

解題曰齊楚相約而攻魏魏使人求救于秦冠蓋
相望也而秦救不至魏人有唐雎者年九十餘矣
謂魏王曰老臣西說秦王唐雎見秦王秦王曰大

卷五

大事記解題

三

退補齋藏板

夫芒然乃遠至此甚苦矣夫魏之來求救數矣寡
人知魏之急已唐雎對曰大王已知魏之急而救
不發者臣竊以為用策之臣無任矣夫魏一萬乘
之國也然所以西面而事秦稱東藩受冠帶祠春
秋者以秦之強足以為與也今齊楚之兵已合于
魏郊矣而秦救不發亦將賴其未急也候之大急
彼且割地而約從王尚何救焉必待其急而救之
是失一東藩之魏而彊二敵之齊楚則王何利焉
於是秦昭王遽為發兵救魏魏氏復定魏王以秦

救之故欲親秦而伐韓以求故地信陵君無忌謂
魏王曰秦與戎翟同俗有虎狼之心貪戾好利無
信不識禮義德行苟有利焉不顧親戚兄弟若禽
獸耳此天下之所識也非有所厚施積德也故太
后母也而以憂死穰侯舅也功莫大焉而竟逐之
兩弟無罪而再奪之國此于親戚若此而况于仇
讎之國乎今王與秦兵伐韓而益近秦患臣甚惑
之而王不識則不明羣臣莫以聞則不忠今韓氏
以一女子奉一弱主內有大亂

韓世家不載其事
必是時韓王少母

卷五

大事記解題

三

退補齋
藏板

后用
事也

外交彊秦魏之兵王以爲不亡乎韓亡秦有

鄭地與大梁鄰王以爲安乎王欲得故地今負彊
秦之親王以爲利乎秦非無事之國也韓亡之後
必將更事更事必就易與利就易與利必不伐楚
與趙矣是何也夫越山踰河絕上黨而攻彊趙是
復得闕與之事

趙奢敗
秦闕與

秦必不爲也若道河內倍

鄴朝歌絕漳滏水與趙兵決于邯鄲之郊是知伯

之禍也秦又不敢伐楚道沙山谷行三千里而攻

冥陬之塞

徐廣曰或以爲今江夏黽縣史記音義
曰冥陬並音秦兵向楚有兩道涉山

谷是西道河外是東道也史記正義曰括地志云石城山在申州踵山縣東南二十一里攻冥阨師

此山申州所行甚遠所攻甚難若道河外倍大梁

今信陽軍史記正義曰徐廣云出函谷關歷同右蔡左召陵

州南至鄭州東向陳州則背大梁也史記正義曰徐廣云一無左字上蔡縣在豫州北

七十里邵陵故城亦在豫州鄆城縣東四十里

並在陳州西從汴州南行向陳州之西郊則與楚

上蔡郡在南面向東皆身之右定無左字也

兵決於陳郊秦又不敢故曰秦必不伐楚與趙矣

又不攻衛於齊矣夫韓亡之後兵出之日非魏無

攻已秦固有懷茅史記正義曰本周邑後屬晉懷州武陟縣西北二十五里有故懷城

括地志云懷州獲嘉縣東北二十五里有茅亭周與蘇忿生十二邑其一曰攢茅也邱史記

正義曰在懷州武城堽津史記正義曰堽九以臨

德縣東南二十里史記正義曰堽九以臨

河內河內共汲必危史記正義曰堽九以臨

雍決滎澤水灌大梁徐廣曰成臯滎陽亦屬鄭州

原武縣西北七里言韓子之後秦有鄭地大梁必

得垣雍城從雍澤決溝歷雍灌大梁也大梁必

亡始皇滅魏王之使者出過而惡安陵氏于秦按

國策安陵君曰吾先君成侯受詔襄王以守此地戰

蓋安陵趙襄子所封其後遂別為小國附庸于魏戰

今魏反令使者譖之於秦也使者出過而惡安陵戰

氏于秦戰國策作王之使者大過矣乃惡安陵戰

卷五

大事記解題

差

退補齋藏板

秦之欲誅之外矣秦葉陽昆陽與舞陽鄰史記

曰葉陽今許州葉縣也昆陽故城在許州葉縣北史記

二十五里舞陽故城在葉縣東十里此時葉縣昆史記

陽屬秦舞陽屬魏也

葉陽今屬汝州治 使者之惡之隨安陵氏而亡

之繞舞陽之北以東臨許

按史記正義安陵在鄆陵縣西北則去汝許不遠

南國必危

史記正義曰在魏之南故曰南國

國無害已

戰國策作魏國

豈得安哉

夫憎韓不愛安陵氏可也夫不患秦之不愛

南國非也

秦得南國則諸侯之勢危矣魏國不可以為非已地而不恤也

異曰者

秦在河西晉國去梁千里

史記音義曰晉國謂河東安邑等地至大梁地

界有千里也

有河山以闌之有周韓以間之從林鄉軍

徐廣曰林鄉在宛縣

以至於今自秦伐林鄉以至於今也邊城盡拔文

臺墮垂都焚林伐麋鹿盡盡而國繼以圍

報王四十年穰

卷五

大事記解題

美

退補齋藏板

侯圍大梁

又長驅梁北東至陶衛之郊

陶卽穰侯所封也

北至

平監

史記正義曰平卽兗州平陸縣監卽故闕城在平陸縣西南

所亡於秦者

山南山北河內河外大縣數十名都數百秦乃在

河西晉去大梁千里而禍若是矣又况於秦無韓

有鄭地無河山而闌之無周韓而間之去大梁百

里禍必百此矣

百字從戰國策

異日者從之不成也楚趙

疑而韓不可得也今韓受兵三年秦撓之以講識

亡不聽投質于趙請為天下雁行頓刃楚趙必集

兵皆識秦之欲無窮也非盡亡天下之國而臣海

內不休矣是故臣願以從事乎王乎字從戰國策王速受

楚趙之約而挾韓之質而字從戰國策以存韓而求故地

韓必效之此士民不勞而故地得其功多于與秦

共伐韓而又與彊秦鄰之禍也夫存韓安魏而利

天下此亦王之大時也大字從戰國策通韓上黨于其甯

史記正義曰共衛州共城縣甯懷州脩武縣使道安城是時秦欲取韓上黨故蠶食其地使與韓國中絕故信陵君勸魏假道使韓得與上黨往來豈專為韓而已哉韓不失上黨則三晉之勢猶

完也出入賦之是魏重質韓以其上黨也今有

其賦足以富國韓必德魏愛魏重魏畏魏韓必不

敢反魏是韓則魏之縣也魏得韓以為縣衛大梁

河外必安矣今不存韓二周安陵必危楚趙大破

衛齊甚畏天下西鄉而馳秦入朝而為臣不久矣

信陵君之諫世家不書其從違然亦不書魏與秦

同伐韓取故地之事必以其言而止也當是時范

雎為謀主謂秦之有韓如人之有腹心之疾故以

破韓為首務其所以親魏者豈誠愛魏哉特欲孤

韓之黨耳信陵君之言深切綜練識天下之大勢

使魏王能用其計糾率楚趙竭力助韓則韓不至

卷五

大事記解題

三

退補齋藏板

于失上黨趙不至於敗長平六國亦不至爲秦所吞矣謀旣不用又以矯殺晉鄙流落于外秦已滅周六國垂亡魏始再用之猶能收合諸侯折強秦之鋒若用之於上黨長平未敗之前天下雌雄之勢殆未可量也信陵君諫辭稱秦太后母也而以憂死今附于宣太后薨之後

趙使長安君爲質于齊

解題曰是歲秦宣太后薨趙太后齊君王后復見於史大抵當時諸國皆母后專政也時秦急攻趙趙求救于齊故以長安君爲質

趙以田單爲將伐燕

解題曰按戰國策趙王割濟東三城城邑市五十
七與齊求安平君爲將攻燕馬服君謂平原君曰
國奚無人甚哉君致安平君而將之乃割濟東三
域此與敵國戰覆軍殺將之所取也今君以此與
齊而求安平君而將之國奚無人甚也且君奚不
將奢也奢嘗抵罪居燕燕以奢爲上谷守燕之通
谷要塞奢習知之百日之內天下之兵未聚奢已

卷五

大事記解題

三

退補齋
藏板

舉燕矣然則君奚求安平君而爲將乎平原君曰將軍釋之矣僕已言之僕主矣僕主幸以聽僕也馬服君曰君之所以求安平君者以齊之於燕也茹肝涉血之仇耶使安平君智則奚以趙之強爲趙強則齊不復霸矣今得強趙之兵以杜杜蒼鮑氏曰杜猶拒也燕將曠日持久令士大夫餘子之力盡于溝壘府庫敝倉廩虛乃引其兵而歸盡兩國之兵無明此者矣已而得三城城大無能過百雉者此卽趙世家今歲所載之事也但載所得之城微不同

卷五

大事記解題

五

退補齋藏板

耳平原君謀國如此趙之不競有以哉

周赧王五十一年秦城廣武

解題曰按范雎傳昭王四十二年秦攻韓汾陘拔

之因城河上廣武

史記正義曰陘城在絳州曲沃縣西北汾水之旁也廣武在鄭

州滎陽縣西

周赧王五十二年秦白起攻韓取南陽絕太行道

解題曰南陽河內脩武也昭王三十四年嘗取之

魏矣今歲又書取之韓或者中間嘗屬韓也范雎

嘗獻謀於昭王曰北斷太行之道則上黨之師不

下斯役也其取上黨之漸歟

史記正義曰大行在懷州河內縣也

周赧王五十三年州

解題曰徐廣曰南郡有州陵縣

秦葉陽君

解題曰惺與穰侯同時封爲諸侯者也諒毅說昭王之辭曰平原君親寡君之母弟也猶大王之有葉陽涇陽君也然則惺其昭王之母弟歟范雎論四貴王弟居其二曰高陵曰涇陽獨無所謂葉陽者高陵或其別名也惺在四貴之中就封獨後豈

卷五

大事記解題

甲

退補齋藏板

昭王獨薄其罪乎

上黨守馮亭以郡降趙

解題曰趙孝成王夢衣偏褰之衣乘飛龍上天不至而墜見金玉之積如山明日召筮史史敢占之曰夢衣偏褰之衣者殘也乘飛龍上天下至而墜者有氣而無實也見金玉之積如山者憂也後三日韓上黨守馮亭使者至王大喜召平陽君與趙豹對曰聖人甚禍無故之利趙豹出王召平原君與趙禹而告曰曰此大利不可失也嚴尤三將敘

曰平原君勸趙孝成王受馮亭王曰受之秦兵必至武安君必將誰能當之者乎對曰澠池之會臣察武安君小頭而面銳瞳子白黑分明者見事不轉小頭而面銳者敢決也瞳子白黑分明者見事明也視瞻不轉者執政強也可與持久難與爭鋒廉頗爲人勇鷲而愛士知難而忍恥與之野戰則不如持守足以當之王從其計平原君贊之趙遂受上黨以致長平之禍以嚴尤所載考之君臣苟力守其初計雖未必能亢秦猶未至于禍趙也卒

卷五

大事記解題

三

退補齋藏板

怵于反間竟以趙括代廉頗何遽忘其前語耶蓋趙王素畏白起間王齧爲將則易之故臨敵易將而無所憚秦王聞趙括已爲趙將則陰使武安君爲上將軍令軍中有敢泄武安君將者斬其亦聞趙之初計歟帷幄之謀至使敵國聞之國非其國矣餘見通鑑

周赧王五十四年縵氏

解題曰今河南府偃師縣

周赧王五十五年秦白起大破趙師於長平

解題曰史記正義曰在澤州高平縣西水經注上黨記曰長平城在郡之南秦壘在城西一軍共食流水澗相去五里秦坑趙眾收頭髓築臺于壘中因山爲臺
今號曰白起臺

周赧王五十六年異人生子政

解題曰按始皇紀莊襄王爲秦質子於趙見呂不韋姬悅而取之生始皇以秦昭王四十八年正月生于邯鄲及生名爲政徐廣曰作正宋忠云以正月旦生故名

大原上黨垣雍

卷五 大事記解題

里

退補齋藏板

解題曰秦上黨郡乃今河東路澤路遼平定威勝之地太原則莊襄王之世別爲郡矣史記正義云太原今并州

垣雍在鄭州原武縣西北

趙不入六城於秦使虞卿賂齊

解題曰潁濱蘇氏曰游說之士皆歷指諸侯以左右網其利獨虞卿終始事趙專持從說其言前後無異

周赧王五十八年十二月秦殺白起

解題曰按戰國策昭王既息民繕兵復欲伐趙武

安君曰不可王曰前年國虛民飢君不諒百姓之
力求益軍糧以滅趙今寡人息民以養士蓄積糧
食三軍之俸有倍于軍而曰不可其說何也武安
君曰長平之事秦軍大尅趙軍大破秦人歡喜趙
人畏懼秦民之死者厚葬傷者厚養勞者相饗飲
食餽餽以靡其財趙人死者不得收傷者不得療
涕泣相哀戮力同憂耕力疾作以生其財今王發
軍雖倍其前臣料趙國守備亦以十倍矣趙自長
平已來君臣憂懼早朝晏退卑辭重幣四面出嫁

卷五

大事記解題

三

退補齋
藏板

結親燕魏連好齊楚積慮并心備秦爲務其國內
實其交外誠當今之時趙未可伐也王勿聽其後
秦數不利武安君曰不聽臣計今果何如王聞之
怒因見武安君疆起之曰君雖病彊爲寡人卧而
將之有功寡人之願將加重于君如君不行寡人
恨君武安頓首曰臣之行雖無功得免于罪雖不
行無罪不免于誅然惟願大王覽臣愚計釋趙養
民以觀諸侯之變撫其恐懼伐其憍慢誅滅無道
以令諸侯天下可定何必以趙爲先乎此所謂爲

一臣屈而勝天下也大王若不察臣愚計必欲快
心于趙以致臣罪此亦所謂勝一臣而爲天下屈
者也夫勝一人之嚴焉孰若勝天下之威大耶臣
聞明主愛其國忠臣愛其名破國不可復完死卒
不可復生臣寧伏受重誅而死不忍爲辱軍之將
願大王察之王不答而去范雎傳云與武安君曰
白起隙言而殺之任鄭安平使將擊趙其後昭王
責范雎言曰今武安君旣死而鄭平安等畔內無
良將而外多敵國然則起之死皆雎之力明矣

卷五

大事記解題

器

退補齋
藏板

新中

解題曰史記正義曰相州安陽縣也秦昭王拔之
更名安陽

秦質子異人逃歸

解題曰按戰國策異人至不韋使楚服而見王使
子異人誦異人曰以棄捐在外無師傅不習于誦
王惡之秦之焚書蓋兆于此餘見通鑑

河橋

解題曰河之有橋初見于此

周赧王五十九年韓魏楚救趙新中

解題曰按趙世家趙將樂乘慶舍攻秦信梁軍破之徐廣曰年表云新中軍也蓋去年秦取趙新中而屯守攻之今年趙與三國攻之而逐之也

赧王入秦盡獻其邑

解題曰按稽古錄周自武王以來凡三十六王凡

百六十七歲而亡周紀書西周君犇秦頓首受罪

盡獻其邑秦愛其獻歸其君于周周君王赧卒

史記正義曰西周即西周武公也王赧即周王也周君與王赧此年俱卒通鑑書赧王入秦盡獻其邑歸

卷五

大事記解題

置

退補齋藏板

赧王于周以理考之當從通鑑所謂周君王赧卒蓋史記衍周君二字

賈誼曰先生

知取寶器而遷西周公于愚狐

史記秦紀明年書周氏東亡今併與

遷西周公于愚狐事載于明年正義曰西周公蓋武公太子咎也宋忠云王赧謚西周武公非也按

西周武公既有謚則其死必在西周末亡之前遷愚狐者必其子也愚音憚

賈誼曰先

王知壅蔽之傷國也故置公卿大夫士以飾法設

刑而天下治其強也禁暴誅亂而天下服其弱也

五伯征而諸侯從其削也內守外附而社稷存故

秦之盛也繁法嚴刑而天下振及其衰也百姓怨

望而海內畔矣故周五序得其道而千餘歲不絕

秦本末並失故不長久由此觀之安危之統相去
遠矣誼論周秦長短之由蓋得其要至於所謂飾
法設刑而天下治乃申韓之餘習非先王之所先
也

卷五

大事記解題

吳

退補齋
藏板

大事記解題卷六

宋呂祖謙撰

郡後學胡鳳丹月樵校梓

奏昭王五十二年

解題曰是歲秦既滅周故以秦年統諸國曹同六代論曰三代之君與天下共其民故天下同其憂秦王獨制其民故傾危而莫救先王知獨治之不能久也故與人共治之知獨守之不能固也故與人共守之兼親疎而兩用參同異而並進是以輕重足以相鎮親疎足以相衛弁兼路塞逆節不生

卷六

大事記解題

一

退補齋藏板

及其衰也苞茅不貢齊師伐楚宋不城周晉戮其宰荆楚負固方城雖心希九鼎而畏迫宗姬姦情散于胥懷逆謀消于唇吻亡粉反斯豈非信重親戚

任用賢能枝葉碩茂本根賴之與暨乎戰國諸姬

微矣至于王赧降為庶人海內無主三十餘年前漢

諸侯王表曰數極德盡既于王赧降為庶人用天年終號位已絕于天下尚猶枝葉相持莫得居其虛位海內無主三十餘年顏師古曰秦昭襄王五十二年周初十五十六年昭襄王卒孝文王立一年而卒莊襄王立四年而卒子政立二十六年而乃并天下自號始皇帝是為三十五年無主也

秦據形勢之地征伐關東蠶食九國至於始皇乃

定天位曠曰若彼用力若此豈非深根固蒂不拔

之道乎呂不韋春秋成于始皇八年

按呂氏春秋維秦八年歲

在涪灘秋甲子朔朔之日良人請關十二紀此其書成之歲月也涪灘者申也通鑑皇極經世始皇八年歲在壬戌後呂氏春秋一年不韋當時人必不誤蓋後世算歷者之差也其聽言篇

曰今周室既滅而天子已絕莫大於無天子無天子則强者勝弱狀者暴寡以兵相殘不得休息今之世當之矣然則始皇二十六年以前秦固未嘗敢稱天子蓋海內無主之時也

王稽誅

卷六

大事記解題

二

退補齋藏板

王解題曰范睢既相言于昭王曰非王稽之忠莫能

內臣于函谷關昭王召王稽拜河東守三歲不上

計漢郡守上計蓋秦制也凡郡常以春行所至縣勸課農桑賑救乏絕秋冬遣無害吏按訖問諸

四平其罪法論課殿最歲盡遣吏上計乃任鄭安平昭王以爲將軍

安平降趙應侯席蒙請罪秦之法任人而所任不

善者各以其罪罪之於是應侯罪當收三族秦昭

王恐傷應侯之意乃下令國中有敢言鄭安平事

者以其罪罪之而加賜相國應侯食物日益厚以

順適其意後二歲王稽于河東守與諸侯通坐法

誅徐廣曰昭王五十一年按戰國策秦攻邯鄲十月七月不下莊謂王稽曰秦何不賜軍吏乎王稽曰吾與王也不用人言莊曰君懷主輕下之日久矣一人成虎十大撻推眾口所移毋翼而飛不久賜軍吏而禮之王稽不聽軍吏窮果惡王稽而反然則王稽之禍固非一日之積方秦圍邯鄲之時昭王固已入軍吏之譖而疑之矣稽假人之寵以虐其下天下之淺人也其殺身宜哉而應

侯曰益以不憚昭王臨朝歎息應侯進曰臣聞主憂臣辱主辱臣死今大王中朝而憂臣敢請其罪昭王曰吾聞楚之鐵劍利而倡優拙夫鐵劍利則士勇倡優拙則思慮遠夫以遠思慮而徇勇士吾恐楚之圖秦也夫物不素具不可以應卒今武安

卷六

大專記解題

三

退補齋藏板

君既死而鄭安平等畔內無良將而外多敵國吾是以憂欲以激勵應侯應侯懼不知所出蔡澤聞之往入秦

范睢免蔡澤為丞相

解題曰太史公序傳列秦將相曰軼去衛適秦能明其術彊霸孝公後世遵其法天下患衡秦毋廢而蘇子能存諸侯約從以抑貪強六國既從親而張儀能明其說復散解諸侯秦所以東攘雄諸侯樛里甘茂之策苞河泗圍大梁使諸侯斂手而事

秦者魏冉之功南拔鄢郢北摧長平遂圍邯鄲武安爲卒破荆滅趙王翦之計至於范雎蔡澤獨曰能忍詢於魏齊而信威於強蔡推賢讓位二子有之其辭與前數子異矣

西周民東亡

解題曰赧王既獻西周之邑其民不樂屬秦亡歸東周去年秦歸赧王于周使寄食舊國所謂西周君者亦使之同秦吏守故地焉今赧王既卒西周民又東亡故降西周君爲庶人而遷患狐也自赧

卷六

大事記解題

四

退補齋藏板

王入秦而周統已絕東周雖未亡特邾莒附庸之類耳所以存之而未論也按蔡澤傳蔡澤爲秦相東收周室然則遷西周君其蔡澤爲相之日歟患狐史記正義曰括地志云浚州外古梁城卽患狐聚

徐州

解題曰史記索隱曰按說文邾邾之下邑在魯東

又郡國志魯國薛縣六國時曰徐州徐與邾並音

舒史記正義曰徐州當此時屬魯故楚伐取也

秦昭王五十三年楚齊韓燕趙皆來賓

解題曰按秦紀天下來賓魏後秦使摎伐魏取吳

城史記正義曰廣城在陝州河北縣東其虞山之

上亦名吳山周武王封弟虞仲于周之北吳城

即北韓王入朝魏委國聽命蓋周亡而諸侯皆服

于秦也

趙邯鄲廢焚
解題曰邯鄲國都也廢說文曰芻藁之藏也

昭王五十四年楚徙都鉅陽

解題曰事見年表按楚頃襄王徙都陳而始皇六

卷六 大事記解題

五

退補齋藏板

年春申君用朱英策去陳徙壽春不云自鉅陽徙

壽春也年表所載未可知今姑存之

郊雍

解題曰今鳳翔府天興縣

秦昭王五十五年平原君卒

解題曰按孔叢子子高以為趙平原君霸世之士

惜不遇其時也其子子順以為衰世之好事公子

無霸相之才也今以事考之則斌之品題實當穿

特隨俗而不察耳顧濱蘇氏曰趙勝傾身下士以

竊一時之聲可耳至於爲國計慮勝不知也趙欲距燕有廉頗趙奢不能用而割地與齊以惜田單知田單賢而不知其不爲趙用也及韓馮亭以上黨嫁禍于趙趙豹明其不可而勝貪取之長平之禍成于勝一言此皆貴公子不知務之禍也乃欲使之相危國拒強秦難矣哉

衛懷君朝魏魏殺之立其弟

解題曰懷君者嗣君之子也世家載魏囚殺懷君

魏更立嗣君弟是爲元君元君爲魏婿故魏立之

卷六

大事記解題

六

退補齋藏板

徐廣曰班氏云元君者懷君之弟則亦嗣君之子也兩說不同通鑑從徐氏按嗣君在位四十二年懷君在位二十一年使嗣君有弟尙存蓋亦八十餘矣徐氏之說是也

秦昭王五十六年追尊唐八子爲唐太后與昭王合葬

解題曰唐八子孝文王之母也平八子以昭王之

母遂僭尊稱旣失禮矣唐八子又加以合葬則又

甚焉禮庶子爲君爲其母無服不敢貳尊者也自

魯成風以來是禮廢也于秦乎何誅

燕栗腹伐趙

解題曰延平陳氏曰燕使栗腹約權于趙反而言趙之可伐其為使也可謂不周矣將渠見信于敵而其君不早信用急而後相之猶足以卻趙師賢者之于國何如哉

趙以廉頗為假相國

解題曰假相國之名始于此後二年趙又有假相樂乘楚漢之際是名蓋紛紛矣所謂假者未必與

卷六

大事記解題

七

退補齋藏板

聞國政特借國相之名以重其權而已

秦孝文王元年十月己亥王除喪卽位赦罪人辛丑

王薨

解題曰按本紀孝文王元年赦罪人修先王功臣哀厚親戚弛園囿孝文王除喪十月己亥卽位三

日辛丑卒

聊城

解題曰史記正義云括地志云故聊城在博州聊

城縣

魯仲連書以下之

解題曰潁濱蘇氏曰戰國游說之士非從卽衡說行交合而寵祿附之故士不厭詭詐爭走于利魯仲連辯過秦儀氣陵髡衍而從橫之利不入于口因事於言切中機會排難解紛如決潰堤不終日而成功逃避爵賞脫屣而去戰國一人而已矣

秦莊襄王元年大赦

解題曰按本紀莊襄王元年大赦罪人脩先王功臣施德厚骨肉而布惠于民孝文王莊襄王元年皆有赦秦漢以來初卽位肆赦蓋始于此至于脩功臣厚親戚布德惠則自古人君初政之所常行雖秦之暴不能廢也

遷東周君于陽人

解題曰按本紀東周君與諸侯謀秦秦使相國呂不韋誅之盡入其國秦不絕其祀以陽人地賜周君奉其祭祀

史記正義云括地志云陽人在汝州梁縣西

前漢地理志

周地柳七星張之分野也今之河南雒陽穀城平陰偃師鞏緱氏是其分也初雒邑與宗周通封畿

卷六

大事記解題

八

退補齋
癸板

東西長而南北短短長相覆爲千里至襄王以河
內賜晉文公又爲諸侯所侵故其分地小徐廣曰
周比亡之時凡六縣其縣名卽星分野所載河南
雒陽以下是也星經出于戰國之末故舉當時東
西周疆界以言之地理志又謂周人之失巧僞趨
利貴財賤義高富下貧喜爲商賈此亦其末流之
敝耳

封呂不韋河南洛陽

解題曰割東西周之地以封之也

卷六

大事記解題

九

退補齋
藏板

拔成臯滎陽初置三川郡

解題曰按本紀年表世家使蒙驁伐韓拔成臯滎
陽秦界至大梁初置三川郡所謂三川者河洛伊
也三川爲郡則據天下之樞混一之勢成矣自惠
王以來禱祠而救者成臯滎陽本東虢國穆天
子傳云七萃之士生捕獸卽獻天子天子畜之東

虢則東虢蓋畿內諸侯也

前漢地理志云成臯故

巖邑也虢叔死焉地理志注又云滎陽故虢國則

成臯滎陽皆東虢邑也成臯今河陽汜水縣滎陽
今鄭州
滎陽縣周宣以後披以封鄭至戰國城入于韓秦

既滅東西周又取韓成臯滎陽合而爲三川郡此郡之境卽東都王畿之舊也在今爲衛懷孟開封鄭河南汝陝虢拱之地滎陽成臯自春秋以來常爲天下重城由秦而上晉楚於此而乎霸謂爭由鄭也秦而下楚漢于此而分雌雄天下既定七國淮南衡山之變猶睥睨此地而決成敗焉東都以後言形勢其及之者鮮矣人事既改則地之輕重亦有時而移也

楚滅虢

卷六

大事記解題

十

退補齋藏板

解題曰魯姬姓武王封周公於少皞之虛曲阜周公不就封留佐武王子伯禽受封之魯是爲魯公索隱曰周公之元子就封於魯次子留相王室代爲周公其餘食小國者六人蔣凡邢茅胙祭也

起周公至頃公凡三十三世前漢地理志魯地奎婁之分埜也東至東海南有泗水至淮陰臨淮之下相睢陵僮取慮皆魯分也孔子曰齊一變至于魯魯一變至于道言近正也瀕洙泗之水其民涉渡幼者扶老而代其任俗既益薄長老不自安與幼少相讓故曰魯道廢洙泗之間斷斷如也去聖

久遠周公遺化銷微孔氏庠序衰壞地陘民眾頗
有桑麻之業亡林澤之饒俗儉嗇愛財趨商賈好
訾毀多巧僞喪祭之禮文備實寡然其好學猶愈
於它俗

史記正義云徐廣云卞一作下括地志云下邑故城今宋州崑山縣是又云在兗州

泗水縣東
北臨泗水

秦莊襄王二年榆次新城

解題曰史記正義曰括地志云榆次并州縣卽古
榆次地也新城者朔州善揚縣西南狼孟在并州
陽曲縣東北

卷六

大事記解題

十一

退補齋
藏板

魏趙攻燕

解題曰按趙世家延平君率師從相國信平君助

魏攻燕

楚徙封黃歇於吳

解題曰子重請取於申呂以爲賞田申公巫臣曰
不可此申呂所以邑也是以爲賦以御北鄙若取
之是無申呂也黃歇告于楚王淮北地邊齊其事
急請以爲郡便其說與申公巫臣同意則利吳之
安且富耳

秦莊襄王三年

解題曰秦紀莊襄王有四年穎濱蘇氏曰秦紀多矣先王之末年為後王之元年當以年表為定今從之

魏公子無忌率五國兵敗秦軍於河外

解題曰按本傳走蒙驩遂乘勝逐秦軍至函谷關抑秦兵秦兵不敢出當是時公子威振天下自戰國以來秦為諸侯所敗者獨孟嘗信陵兩戰耳一則名之正也一則將之賢也名以利敗賢以疑廢

卷六 大事記解題

十一

退補齋藏板

六國之亡安得責命于天哉

史記正義云括地志云高都故城今澤州

是汲在衛州所理汲縣西南徐廣云汲一作波波縣亦在河內

龍兌汾門臨樂葛平舒

解題曰史記正義云龍兌在北新城兌音奪汾門

在易州北平縣臨樂在幽州固安縣葛在瀛州高

陽縣平舒在蔚州靈邱縣

五月丙午王薨子政立是為秦始皇帝國事皆委於

呂不韋號稱仲父

解題曰按本紀當是之時秦地已并巴蜀漢中越

宛有郢置南郡矣北收上郡以東有河東太原上黨郡東至滎陽滅二周置三川郡呂不韋爲相招致賓客游士欲以并天下李斯爲舍人蒙騫王騎庶公等爲將軍王年少初卽位委國事大臣

晉陽反

解題曰反而歸趙也

秦始皇帝政元年作鄭國渠

解題曰前漢溝洫志韓聞秦之好興事欲罷之無

令東伐乃使水工鄭國間說秦令鑿涇水自中山

卷六

大事記解題

三

退補齋藏板

顏師古曰中讀爲仲卽九變之東仲山也

西邸瓠口

史記正義曰焦穫藪小名瓠

並

北山東注洛

史記正義云洛則同州西漆沮水也

三百餘里欲以溉

田中作而覺秦欲殺鄭國鄭國曰始臣爲間然渠

成亦秦之利也秦以爲然卒使就渠于是關中爲

沃野無凶年秦以富強卒并諸侯因名曰鄭國渠

始皇雖少而其謀國者乃如此秦國軍大田

魏公子無忌以毀廢

解題曰魏安釐王始畏公子之賢能不敢任以國

政魏趙唇齒國也秦圍邯鄲公子數請賓客辯士

說王萬端豈獨爲其姊計哉及奪晉鄙軍以存趙則遂爲深讎矣雖迫于危亡不得已而復用公子然猜且闇猶夫人也雖微秦闢亦不可與共功矣秦始皇帝二年趙以李伯爲代郡守

解題曰按戰國策齊人李伯見孝成王王說之以爲代郡守而居無幾何人告之反孝成王方饋不

墮食

不驚故食不墮也

無幾何告者復至孝成王不應已

乃使使者言齊舉兵擊燕恐其以擊燕爲名而以兵襲趙故發兵自備今燕齊已合臣請要其敝而

卷六

大事記解題

古

退補齋藏板

地可多割自是之後爲孝成王從事于外者無自疑于中者孝成王雖納上黨將趙括未得爲明主然猶能用頗牧以持其國觀李伯之事則其能駕馭豪傑蓋有以也今附于孝成王薨之歲

趙李牧大破匈奴十餘萬騎單于奔走

解題曰按本傳李牧大破匈奴單于奔走其後十餘歲匈奴不敢近趙邊城悼襄王元年廉頗旣亡入魏趙使牧攻燕拔武遂方城然則李牧之勝匈奴蓋在孝成王之世今附見于孝成王薨之歲單

于者君長之號前漢匈奴傳云單于廣大之貌也
言其象天單于然也

繁陽

解題曰按前漢志屬魏郡應劭曰在繁水之陽

秦始皇帝三年大饑

解題曰秦紀所書蓋秦之地饑也

陽有詭

解題曰陽音場蓋地名

秦始皇帝四年趙李牧伐燕拔武遂方城

卷六

大事記解題

五

退補齋
藏板

解題曰年表世家皆書于今年李牧傳載于悼襄

王元年今從年表世家

七月蝗疫令百姓內粟拜爵

解題曰入粟拜爵始于此

魏公子無忌卒

解題曰按本傳公子謝病不朝日夜爲樂飲者四

歲竟病酒而卒其歲魏安釐王亦薨秦聞公子死

使蒙驁攻魏拔二十城初置東郡其後秦稍蠶食

魏十八歲而虜魏王屠大梁高祖始微少時數聞

公子賢乃即天子位每過大梁常祠公子高祖十二年從擊黥布還爲公子置守冢五家世歲以四時奉祠公子

秦始皇帝五年酸棗燕虛長平雍邱山陽東郡

解題曰裴駙曰陳留有酸棗縣汝南有長平縣陳留有雍邱縣河內有山陽縣東郡今爲博漢大名

滑開德之地史記正義云燕虛在濮州雷澤縣東

趙龐煖取燕軍殺劇辛

解題曰燕昭王之招賢者也劇辛自趙往蓋燕之

卷六 大事記解題

去

退補齋藏板

舊臣也辛與龐煖舊交易之而反爲所殺不知辛之不察與或者煖之才畧有進不可以故意待之也然則人豈易知哉

會盟于魯柯

解題曰戰國末猶有會盟故特著之

秦始皇帝六年楚魏韓趙燕衛合從來伐爲我所敗

解題曰秦本紀書韓魏趙衛楚共擊秦取壽陵史記

正義云徐廣云在常山秦出兵五國兵罷而趙世家云龐煖

將趙楚魏燕之銳師攻秦最不拔移攻齊取饒安

則燕亦同伐秦非止五國也齊自君王后以來事秦不與諸侯同伐是以諸侯歸師移兵攻之且以償兵費也徐廣曰蕞在新豐饒安在渤海或云饒屬北海安屬平陳春申君傳稱至函谷關秦出兵攻諸侯兵皆敗走然則蕞在函谷關左右方攻之而值秦兵之出也

朝歌

解題曰史記正義曰括地志云在衛州縣西本妹

邑殷都也

徙衛于野王

卷六

大事記解題

七

退補齋藏板

解題曰衛世家載于後二年非也今從年表魏楚

世家

史記正義云野王懷州城也

楚徙都壽春命曰郢

解題曰楚都所至命曰郢猶晉都所至命曰絳也

壽春今壽州壽春縣

楚考烈王納黃歇妾生子悍

解題曰春申君傳載此於徙都之後今從之

李園女弟

說春申君曰君相楚二十餘年而幽王又有弟郝則春申君納其必在考烈王未薨數年前王當此

也時

秦始皇帝七年彗星見

解題曰按本紀彗星先出東方見北方五月見西方

夏太后薨

解題曰莊襄王母也

秦始皇帝八年王弟長安君成蟜將兵擊趙而反

解題曰顏師古曰本使長安君擊趙至屯留而謀反作亂故賜長安君死斬其軍吏遷其黔首也屯留上吳縣也臨洮即今之洮州也按本紀下文將

卷六

大事記解題

六

退補齋藏板

軍壁死卒屯留蒲鶮反戮其屍司馬貞徐廣謂成蟜為將軍而反秦軍擊之而成蟜壁于屯留而死士卒為成蟜戰死者皆戮其屍然則成蟜據邑而反戰不勝而死耳

河魚大上

解題曰按本紀河魚大上輕車重馬東就食索隱曰往河旁食魚也前漢五行志曰劉向以為近魚孽也逆流

而上也

封嫪毐為長信侯

解題曰按本紀嫪毐封爲長信侯予之山陽地令
毒居之宮室車馬衣服苑囿馳獵恣毒事無大小

嫪音潦毒音倚亥反戰

皆決於毒又以河西太原更爲毒國秦自四境之內執

法以下至于長輓者曰與嫪氏乎與呂氏乎雖至

于閭門之下廊廟之上猶之如是也今王割地賂

秦以爲嫪毐功卑體以尊秦以因嫪毐王以國贊

嫪毐以嫪毐勝矣王以國贊嫪毐太后之德王也

深于骨髓王之交最爲天下上矣今由嫪毐氏善

卷六

大事記解題

九

退補齋藏板

秦而交于天下上天下孰不棄呂氏而從嫪氏天

下必棄呂氏而從嫪氏則王之怨報矣嫪呂爭權

畧見於此孔叢子載此說以爲子順之策子順相

魏進退有聖賢之風寧忍出此乎

韓以韓玘爲相

解題曰李斯上二世書曰趙高兼行田常子罕之

逆道而劫陛下之威信其志若韓玘爲韓安相也

然則韓之滅蓋由相玘今載于韓王安卽位之年

秦始皇帝九年垣蒲陽衍

解題曰史記正義曰括地志云垣在絳州垣縣西北蒲邑在隰州隰川縣南浦水之北衍在鄭州

王冠帶劍

解題曰始皇年一十一帶劍秦俗也

嫪毐作亂夷三族

解題曰按呂不韋傳秦紀有告嫪毐實非宦者毒聞之秦王驗左右未發秦王之雍郊毒恐禍起乃與其黨謀矯上御璽及太后璽以發縣卒及衛卒官騎戎翟君公舍人將秦之兵制略見于此縣卒一也衛卒二也官騎三也

卷六

大事記解題

三

退補齋藏板

戎翟四也舍人五也秦國太后用事故太后璽亦可發兵欲攻斬年官為亂志斬年官在雍王知之令相國昌平君昌文君發卒攻毒戰咸陽斬首數百皆拜爵及宦者皆在戰中亦拜爵一級宦者秦之宦者本無拜爵之法毒等敗走即令國中有能

得毒賜錢百萬殺之五十萬追斬毒于好時其黨

衛尉竭內史肆佐弋竭中大夫令齊衛尉內史之名始見于此

魏有中大夫須賈則非獨秦有之矣漢書百官表曰秦時少府有佐弋漢武帝改為伙飛掌弋射者

二十人皆梟首車裂以徇滅其宗及其舍人輕者

為鬼薪應劭曰取薪給宗廟為鬼薪也如淳曰律說鬼薪作三歲及奪爵遷蜀

又輕者乃
奪爵徙蜀四千餘家家房陵餘見通鑑

秦始皇帝十年逐客

解題曰李斯傳云韓人鄭國來開秦作渠而覺秦宗室大臣請一切逐客方是時呂不韋專國不韋亦客也孰有敢言逐客者乎本紀載于呂不韋免相之後得之矣

齊王趙王來置酒

解題曰凡諸侯相朝主國設飲燕以禮之未有賓客反置酒者蓋齊趙畏秦極其諂而然也齊世家

卷六

大事記解題

三

退補齋藏板

書王入朝秦秦王政置酒咸陽然則秦亦置酒以報之歟

用茅焦諫迎太后于雍

解題曰按本紀齊人茅焦說秦王曰秦方以天下為事而大王有遷母太后之名恐諸侯聞之由此倍秦也秦王乃迎太后於雍而入咸陽復居甘泉宮

徐廣曰咸陽南宮也

說苑所載其辭多浮夸且未見所以

動始皇者本紀所書簡而實矣戰國策載頓弱面詆始皇不孝始皇勃然而怒頓弱告以山東戰國

有六威不掩于山東而掩於母始皇乃霽怒問戰國可兼之計然則始皇所重者獨兼并諸侯耳茅焦所以能復太后者特以諸侯倍秦恐之非能以母子天性感悟之也

以尉繚爲國尉

解題曰按本紀大梁人尉繚辭說秦王曰以秦之強諸侯譬如郡縣之君臣但恐諸侯合從翕而出不意此乃智伯夫差潛王之所以亡也願大王毋憂財物賂其豪臣以亂其謀不過亡三十萬金則

卷六

大事記解題

三

退補齋藏板

諸侯可盡秦王從其計見尉繚亢禮衣服食飲與繚同繚曰秦王爲人蜂準長目摯鳥鷹豹聲少息而虎狼心居約易出人下得志亦輕食人我布衣然見我常身自下我誠使秦王得志于天下天下皆爲虜矣不可與久游乃亡去秦王覺固止以爲秦國尉卒用其計策而李斯用事尉繚之策大畧與李斯同不過以金啗之耳前此范雎之散合從

戰國策云天下之士合從相聚于趙而欲攻秦秦相應侯曰王勿憂也請令廢之秦于天下之士非有怨也相聚而攻秦者以己有富貴耳王見大王之狗臥者卧起者起行者行止者止毋相與鬪者

投之一骨輕起相牙者何則有爭意也于是使唐
睢載音樂子之五千金居武安高晉相與飲謂邯
鄲人誰來取者于是其謀者固末可得與也其可
得子者與之昆弟矣公與秦計功者不問金之所
之金盡者功多矣今令人復載五千金隨公唐睢
行至武安散不能三千金天下之士大相與鬪矣
後此陳平之間項羽陳平說高帝曰大王推出捐
數萬斤金行反間項王信讒
必內相誅漢王以爲然乃出黃金
四萬斤于平恣所爲不問出入
世風俗貪鄙故此術每用每中有言禮義廉恥于
多事之際必競以爲迂闊不知撥亂之策莫要于
此爲人上者盍亦少思哉

秦始皇帝十一年燕狸陽

卷六

大事記解題

三

退補齋
藏板

解題曰史記正義曰按燕無狸陽疑字誤當作漁
陽

趙廢太子嘉

解題曰按趙世家太史公曰吾聞馮王孫曰趙王
遷其母倡也嬖于悼襄王廢適子嘉而立遷遷素
無行信讒故誅其良將李牧用郭開豈不謬哉秦
既虜遷趙之亡大夫共立嘉爲王王代六歲秦進
兵破嘉遂滅趙以爲郡嘉既正且賢猶能崛起于
敗世之後但勢去而不能支耳使得蚤承統緒豈

不能保邦于未危乎此太史公所深恨也遷族類不正竟無行而亡其國然則帝王之家政其可不以族類爲先乎嘉遷廢立不知何年今附見于悼襄王薨之前

徙呂不韋於蜀

解題曰致堂胡氏曰秦王賜不韋書曰君何親于秦號稱仲父諱之也不知其欲蓋而益彰矣古之有國有家者雖買妾必擇其良惡族類之靡也而嬴楚悅色納姬不疑其故遂使大賈生販心自是

卷六

大事記解題

五

退補齋藏板

有天下者蓋呂姓也而柏翳宗廟至此已絕作史者當自始皇元年書爲後秦正其姓氏庶幾實錄矣

秦始皇帝十二年呂不韋自殺

解題曰按本紀文信侯不韋死竊葬其舍人臨者晉人也逐出之秦人六百石以上奪爵遷五百石以下臨遷勿奪爵秦待其國人與他國人不同于此畧可見六百石以上則秩之稍高者也

漢祁曼容爲官

不肯過六百石輒自免去餘見通鑑

不雨

解題曰按本紀天下大旱六月至八月乃雨

復嫪毐舍人遷蜀者

解題曰按呂不韋傳秦王所加怒呂不韋嫪毐皆已死乃皆復歸嫪毐舍人遷蜀者秦法雖峻然始皇未并天下以前猶間有寬宥至于用水德之後則無復有此等政事矣

秦始皇帝十三年平陽

解題曰平陽世家作武城李牧傳作武遂

史記正義云括

卷六

大事記解題

三

退補齋藏板

地志云平陽在相州臨漳縣西

秦始皇帝十四年桓齮取趙平陽武城宜安

解題曰以年表世家考之去年桓齮攻平陽殺扈

輒今年桓齮定平陽武城宜安李牧與戰卻之趙

封牧爲武安君通鑑用李牧傳并載于去年不知

牧傳特終言之也史記正義曰武城卽具州武城

縣宜安在桓州藁城縣西南肥在恆州藁城縣西

春秋時肥子國

韓非

解題曰按新序申子之書號曰術商鞅之書號曰法太史公謂非喜刑名法術之學則兼治之也六經孔孟之教與人之公心合故治世宗之申商韓非之說與人之私情合故末世宗之彼各有所合也

韓王納地效璽請爲藩臣

解題曰按本紀年表皆書韓王請爲臣于殺韓非之後則非韓非所將之命也

秦始皇帝十五年大興師伐趙拔狼孟番吾趙李牧

擊破我軍遂還

卷六

大事記解題

三

退補齋藏板

解題曰番吾已爲秦所得至是復書取者邊地往來固無常本秦大興師志在滅趙而爲李牧所卻國其可以無人乎

史記正義云徐廣云番音盤常山有蒲吾括縣地志云在常山

房山縣東番蒲古今音異爾

秦始皇帝十六年初令男子書年

解題曰按周官媒氏男女自成名以上皆書年月名焉成名子生三月父名之也內則子生三月之末男角女羈以見于父父名之宰書曰某年某

月某日生而藏之宰告閭史閭史書爲二其一藏諸閭府其一獻諸州史州史獻諸州伯州伯命藏諸州府其制詳密如此戰國以來不復重民之生此制廢缺久矣始皇復令男子書年其制及男而不及女特恐民之辟征役耳豈有三代重民之意哉然下一切之令而使書之亦豈能得其實乎

徐幹

中論曰民數爲國之本也先生周知其萬民眾寡之數乃分九職焉九職既分則劬勞者可見勤惰者有聞也然而事役不均者未之有也事役既均故上盡其心而人竭其力國家殷富大小不賈百姓休和下無怨疾焉周禮孟冬司寇獻民數于王王拜而受之登于天府內史司會家宰貳之其重

卷六

大事記解題

三

退補齋藏板

之也如是今之爲政者未之知恤也譬猶無田而欲樹藝雖有農夫安能措其手足乎是以先王制六卿六遂之法所以維持其民而爲之綱目也使其鄰比相保受賞罰相延及故出入存亡臧否逆順可得而知也及亂君之爲政也戶口漏于國版夫家脫於聯伍避役逋逃者有之于是姦心競生而僞端並作小則濫竊大則攻劫嚴刑峻令不能救也人數者庶事之所自出也莫不取正焉以分田里以令貢賦以造器用以制祿食以起田役以作軍旅國以建典家以立度五禮既修九刑用措其唯審人數乎

秦始皇帝十七年內史騰滅韓

解題曰韓姬姓自景侯虔受封至王安凡十一世按本紀李斯之復留也說秦王請先取韓以恐他

國于是使斯下韓然則秦并六國始于韓者蓋李
斯之策也秦初并天下令曰異日韓王納地效璽
請爲藩臣已而倍約與趙魏合從畔秦故興兵誅
之此則其出師之名也前漢地理志韓地角亢氏
之分野也韓分晉得南陽郡及潁川之父城定陵
襄城潁陽潁陰長社陽翟東接汝南西接弘農
得新安宜陽皆韓分也及詩陳鄭之國與韓同星
分野潁川南陽本夏禹之國夏人上忠其做鄙樸

史記貨食傳
潁川敦愿

韓自武子後七世稱侯六世稱王五

卷六

大事記解題

三

退補齋
藏板

華陽太后薨

世而爲秦所滅秦旣滅徙天下不軌之民于南陽
故其俗夸奢上氣力好商賈漁獵藏匿難制御也

陵夏太后別葬社東

大饑

解題曰秦紀趙世家書之蓋二國饑也

衛元君薨

解題曰衛世家書元君二十五年卒通鑑用徐廣

說夏太后十三年今從之按廣注年二十三年卒
今本無之

秦始皇帝十八年定韓地

解題曰年表於虜韓王安之明年書秦滅韓於虜
楚王負芻之明年書秦滅楚于虜燕王喜之明年
書秦滅燕于虜齊王建之明年書秦滅齊于虜代
王嘉之明年書秦滅趙例以悉定其地爲滅耳獨
虜魏王假之明年不書秦滅魏豈非虜王假之年
魏地卽定乎

卷六

大事記解題

完

退補齋
藏板

趙殺李牧廢司馬尙

解題曰按戰國策秦使王翦伐趙趙使李牧司馬
尙禦之李牧數破走秦軍殺秦將桓齮王翦惡之
乃多與趙王寵臣郭開等金使爲反間曰李牧司
馬尙欲與秦反趙以多取封于秦趙王疑之使趙
葱及顏聚代將斬李牧廢司馬尙又載司空馬去
趙謂平原令曰趙將武安君期年而亡功若殺武安
君不過半年趙王之臣有韓倉者以曲合于趙王
其交甚親其爲人嫉賢妒功臣今國危亡王必用

其言武安君必死韓倉果惡之王使人代武安君至使韓倉數之曰將軍戰勝王觴將軍爲壽爲壽于前而捍匕首當死武安君曰病鈎身大臂短不能及地起居不敬恐懼得罪于前故使工人爲木材以接手願公入明之韓倉曰受命于王賜將軍死不赦臣不敢言武安君北面再拜賜死縮劍將自誅乃曰人臣不得自殺宮中趣出自殺其恭如此李牧傳乃謂李牧不受命趙使人因捕得斬之非也使不受命韓倉安得而數之豈非以廉頗不

卷六

大事記解題

三

退補齋藏板

受代事而誤載乎

秦始皇帝十九年王翦虜趙王滅趙

解題曰趙嬴姓

與秦共祖惡來之後爲秦惡來之弟季勝之後爲趙

自烈侯

受封至王遷凡九世秦初并天下令曰趙王使其相李牧來約盟故歸其質子已而倍盟反我太原

故興兵誅之此則其出師之名也

淮南子曰趙王遷流于房陵思

故鄉作爲草木之謳聞之者莫不流涕

前漢地理志曰按趙地昃畢

之分壑趙分晉得趙國北有信都真定常山中山

又得涿郡之高陽鄭州鄉東有東平鉅鹿清河河

間又得渤海郡之東平舒中邑文安東州成平章
武河以北也南至浮水繁陽內黃斥邱西有太原
定襄雲中五原上黨上黨本韓之別郡也遠韓近
趙後卒降趙皆趙分也趙中山地薄人眾猶有沙
邱紂淫亂餘民丈夫相聚游戲悲歌忼慷起則椎
剽掘冢作姦巧多弄物爲倡優女子彈弦跕躡游
媚富貴徧諸侯之後宮邯鄲北通燕涿南有鄭衛
漳河之間一都會也其土廣俗雜大率精急高氣
勢輕爲姦太原上黨又多晉公族子孫以詐力相
傾矜夸功名報仇過直嫁取送死奢靡鍾代石北
迫近胡寇民俗憤忮章岐反好氣爲姦不事農商自
全晉時已患其剽悍而武靈王又益厲之定襄雲
中五原本戎狄地其民鄙樸少禮文好射獵

王翦屯中山

解題曰以臨燕也

王之邯鄲故與母有仇者皆坑之

解題曰始皇之拊新國如此

太后薨

卷六

大事記解題

三

退補齋
藏板

解題曰始皇母也

楚幽王薨弟猶立是為哀王

解題曰猶年表作郝

秦始皇二十年易水

解題曰史記正義云易水水源出易縣西谷中之東

東南流與滹沱河合水經易水出涿郡故安縣門鄉西山

秦始皇二十一年薊遼東

解題曰薊燕國都也今燕王府薊縣水經注云燕國西北隅有薊邱因邱以為

名即魯之曲阜齊之營邱遼東秦漢皆為遼東郡漢末為公孫

卷六 大事記解題

三 退補齋藏板

度所據魏司馬懿滅之復為郡西晉之亂慕容廆

據之後魏滅慕容氏其地尋入于高氏唐李勣平

高麗置安東上都護府統之至德後廢

王賁伐楚

解題曰按王翦傳秦使翦子王賁擊荆徐廣曰秦

諱楚故云荆也

李信蒙恬將二十萬伐楚

解題曰按王翦傳李信蒙恬南伐楚王翦言不用

因謝病歸老于頻陽本紀今年書王翦謝病老歸

大雨雪

解題曰按本紀大雨雪深二尺五寸

秦始皇帝二十二年王賁伐魏引河灌大梁滅魏

解題曰魏姬姓畢公高之後自文侯受封至王假凡九世秦初并天下令曰魏王始約服已而與韓趙謀襲秦秦兵吏誅遂破之此則其出師之名也前漢地理志曰魏地背觶參之分野也其界自高陵以東盡河河東河內南有陳留及汝南之召陵潁疆新汲西華長平潁川之舞陽鄆許鄆陵河南

卷六

大事記解題

三

退補齋藏板

之開封中牟陽武酸棗卷皆魏分也在晉之南河曲故其詩曰彼汾一曲寘諸河之側至獻公滅魏以封大夫畢萬晉文公伯諸侯尊周室始有河內之士吳札聞魏之歌曰美哉颯颯乎以德輔此則明主也文公後十六世魏自立為諸侯風俗見晉及秦分三十六郡解題溝洫志大司空掾王橫言禹之行河水本隨西山下東北去周譜云定王五年河徙則今所行非禹之所穿也又秦攻魏決河灌其都決處遂大不可復補宜卻徙完平處更空使緣西山足而

東北入海然則因秦入河灌大梁之後禹之故

道亦失矣

戰國策蘇代說燕王曰秦正告魏曰陸攻則擊河內水攻則滅大梁魏以為然故事

秦然則灌大梁之策戰國以來人皆知之矣

楚人大破李信軍復使王翦伐楚

解題曰王翦傳書李信攻鄢郢破之引兵而西與

蒙恬會城父荆人大破李信軍按鄢郢白起取以

置南郡是時不屬楚人傳之誤也

秦始皇帝二十三年王翦取陳以南至平輿大破楚

軍於蕲殺其將軍項燕

卷六

大事記解題

三

退補齋藏板

解題曰按本紀今年王翦虜荆王荆將項燕立昌

平君為荆王反秦軍於淮南明年王翦蒙武破荆

軍昌平君死項燕遂自殺年表世家王翦傳皆不

載項燕立昌平君事今兩存之

穎濱蘇氏曰昌平君者楚人為始皇

相國攻嫪吉母者也

秦始皇帝二十四年王翦滅楚

解題曰楚地廣人希火耕而水耨舉凡果蠃之屬

不待賈而足地勢饒食無饑饉之患以故岿嶽偷

生無積聚而多貧是故江淮以南無凍餓之人亦

無千金之家

前漢地理志曰信巫鬼重淫祀

楚世家書滅楚郡云

孫檢曰秦虜楚王負芻滅去楚名以楚地為秦郡

秦避莊襄王諱易楚為荆不應置楚郡檢之說是

也但三十六郡中亦無秦郡之名以地理考之南

郡九江郡鄣郡會稽郡是楚地也

秦始皇帝二十五年王賁滅燕

解題曰燕姬姓周武王封召公于北燕

史記正義曰地在燕

山之野故國野名焉燕山在幽州漁陽縣東南六十里燕姬姓之國黃帝之後在滑州

自召

公受封

索隱曰以元子就封而次子留周室代為召公

至王喜凡四十四

卷六

大事記解題

壹

退補齋藏板

世前漢地理志曰燕地尾箕分壑也東有漁陽右

北平遼西北新城故安涿縣良鄉新昌得涿郡之

易容城范陽

及渤海

之安次皆燕分也樂浪立菟亦宜屬焉初太子丹

賓養勇士不愛後宮美女民化以為俗男女無別

反以為榮其俗愚悍少慮輕薄無威亦有所長敢

于急人燕丹遺風也史記貨殖傳曰燕亦勃碣之

間一都會也南通齊楚東北邊胡上谷至遼東地

踔遠人民希數被寇大率與代俗相類有魚鹽棗

粟之饒北鄰烏桓夫餘東綰北貉朝鮮眞番之利
王翦悉定楚江南地降越君置會稽郡

解題曰通鑑作降百越之君按賈誼過秦論南取
百越之地以爲桂林象郡事在三十三年今年方
置會稽郡百越固未盡服也

卷六

大事記解題

三

退補齋藏板

08054

